

TE HEHEURAA API

I neia i te piha neneiraa na te Ekalesia a Iesu Mesia i te Fōia
Mo'ai te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 9.

Setepa 1931.

Mat. 25.

To Hebera Porohaereraa i te Evanelia

O teie ia te hitu o te hoê mau haapiiraa i faaineinehia e te
Epitetopo Rahi no te mau Diakono; Ua faaauhia ei reô Tahiti e Etua.

(E tuatiraa teie nei parau.)

(E maa parau iti tuatapapa: Ua fanau Hebera Ki-
mebera i te 14 no Tiunu i ti M. 1835 i Sheldon, Franklin
County, Veramona; ua faatoroahia oia ei Aposetolo i te 14
no Febuare i te M. 1835, i Ketelani i Ohaio, e o oia te tau-
turu hoê no Birigama Youne mai te 27 no Titema e ta'e roa'-
tu i to'na poheraa i Roto Miti i te 22 no Tiunu i te M. 1868;
e taata tura oia e te haehaa, e e mana peropheta to'na.)

I roto i te matahiti 1837, ua tupu te hoê taivaraa ra-
hi i roto i te Ekalesia i Ketelani. Aita o Iosepha i tapea ia
Hebera i pihai'ihō ia'na, ua tono ra oia ia'na ia poro haere
i te Evanelia i Baratane. O oia te taata matamua tei tono-
hia i te fenua e ia porohaere i te Evanelia i teie tau hopea

uei. Ua tae Hebera Kimebera i Baratane i te 18 no Tiurai i te M. 1837. Ua faaea ratou i Livepola e taima poto, no te mea te vai ra te vahi ta te Fatu i hinaaro ia haamatahia Ta'na ohipa.

Ua faaite atu te Peropheta e, e pee te mau varua ino tei vai i rotopu i te Feia Mo'ai Ketelani, ia ratou e tae noa' tu i to ratou porohaereraa i te Evanelia. Ua haere ratou mai Livepola e tae atu i Peresatona. I to ratou taeraa i te reira oire, ua ite ratou i te hoê reva, e ua papaihia i nia iho, "E manuia noa te parau mau." Ua feruri te mau taeae i te reira e ua na o a'era ratou e parau mau roa te reira.

E tuaana to Iosepha Fielatina i Peresatona, e i te Sabati i muri a'e i to ratou taeraa, ua haere te mau taeae e faaroo i ta'na a'oraa. Ua ani oia ia ratou ia a'o i te parau i taua ahiahi ihora. I to te mau taata faaroo raa i te reira e rave rahi tei haaputuputu mai no te faaroora i ta ratou parau. Ua a'o Hebera raua o Oretona i te mau parau matamua no te Evanelia. I taua po ihora ua a'o faahou ratou i te parau. I muri a'e i te reira e rave rahi te mau putuputuraa tei haapaohia, e i te hopea e huru rahi te mau taata tei faaroo e tei baptizohia. Ia ite teie orometua e te riro nei te mau taata i te mau taeae, opani ihora oia i to'na fare pureraa ia ratou, aore oia i faatia ia a'o faahou ratou i te parau i roto i te reira vahi, e ua parau faaino oia ia ratou. Ua ite hoi oia e, ua haamauhia te parau Evanelia i rotopu i te mau taata. Ua faaitoito noa te mau taeae i te faatere i te mau haapiiraa i roto i te mau utuafare, e ua rahi te mau taata tei faafariuhia i te parau mau.

I teie taima ua haamata te Diabolo i ta'na ohipa. I te hoê po'ipo'i ua haere maira Ruteri, mai to'na piha i raro, i nia ia Hebera raua o Oretona, e ua ani oia ia raua ia tia i nia e ia pure no'na, no te mea ua uruhia oia i te varua ino e eita oia e ora maoro maori ia faaorahia oia. Ua tia

raua i nia e ua tuu raua i to raua rima i nia iho ia'na, e ua pure raua ia aroha te Fatu i ta'na tavini e ia faahapa Oia i te Diabolo.

A na reira'i raua ua tairihia Hebera Kimebera i te hoê mana'ite ore hia e ua topa oia i raro i nia iho i te tahua. I to'na araraa ite a'era oia e ua tauturu mai to'na nau taehae o Oretona raua o Rutera, e te pure noa ra raua i te Fatu ia faaorahia ôia. Ua rahi roa te mauui ta'na i faaoromai, noa'tu ra i te reira ua tuturi oia i raro ia pure. I to'na tia-raa i nia ua ite ratou i te mau varua iino; ua tahe te ufa na roto mai i to ratou mau vaha e ua auau ratou i to ratou mau niho i te mau orometua, e ua na reira ratou e hoê hora e te afa.

Te na o maira Hebera Kimebera e, eita roa e mo'e ia'na te ri'ari'a rahi e te taehae rahi o te mata o teie mau varua iino i te reira taime. I te reira taime ua rari roa to'na ahu i te hou mai te mea ra e, ua topa oia i roto i te anavai. Ua faaora te Fatu ia ratou i to ratou mau enemi i te pae varua, e ua haamaitai Oia ia ratou i taua mahana ra no te mea, e iva taata tei bapetizohia i roto i te Ekalesia i taua mahana ra.

Ua tupu maitai te ohipa o te Evanelia i reira noa'tu te ohipa a te Diabolo. I na ava'e i muri a'e, ua haapaohia te hoê amu'iraa no te Feia Mo'a i Baratane, i te oire Peresatona, e ua taiohia hoê tauatini te rahiraa o te mau melo no te Ekalesia tei tae i taua amu'iraa ra.

Teie te hoê mea tei faaite mai te aau haehaa o Hebera Kimebera. Te haapii ra te Peropheta ia'na i te hoê mau parau, e aore e ravea e mau ai ia'na. Ua parau hauti te Peropheta ia'na: "A tamau oe tena parau mai te mea aita e tairi mau vau ia oe." Ua pahono Hebera, "A haere mai, a tairi mai ia'u." Ua pahono atu Iosepha "Oia; hoê

â ia huru ia'u e te tairi ra vau i te hoê tamarîi, no te mea hoê â ia to orua huru hara ore."

I te hoê taime i to'na porohaereraa i te Evanelia ua farerei oia i te hoê taata o Aikena (Aitken) to'na io'a, o te imi maitai i te parau mau. Ua a'o atura oia i te parau mau no te Evanelia ia Aikena, e ua parau tohu atura oia ia'na, mai te mea e patoi oia i te Evanelia e mo'e to'na roo, e e faarue to'na mana ia'na, e e hi'a oia; e ua tupu mau teie mau mea.

Tei rotopu Maria raua o Matarita, (Mary e Margaret Heaton Topping) i te mau taata matamua i te faaro i te Evanelia na roto mai i te vaha no Hebera Kimebera, e ua patoi to raua nau metua i te Evanelia. Ua parau atu Hebera ia raua, e faaroo i to raua nau metua e te vai ra te taime e faatiahia ia haere noa raua i te mau amu'iraa. Ua na ô maira oia e: " Ia parau atu vau a haere mai, e haere mai ihoa ia eita te peapea e tupu." Ua tupu ihoa te reira.

Ia fatata o Hebera i te haere i te piti o te taime i Baratanerua raua o Birigama Youne, e porohaere i te Evanelia i te M. 1839; ua haere oia i te fare no Birigama e te pohe ra Birigama i te ma'i. Ua paruparu roa oia, e a tamata'i oia i te haere ua topa matapouri oia i raro. Ua tuu hia oia i nia iho i te ro'i e ua faatahinu-hia oia e i te reira taime ua ara mai oia. I to Hebera faarue raa i te fare ua na ô maira oia; " Aita i papu ia'u e ti'a mai anei o Birigama no nia mai i to'na ro'i e aita anei." Ia oti teie nei parau ua parau faahou i te reo ê, na ô maira oia: " E tia oia; e e reva oia ananahi e o vau atoa ia porohaere i te Evanelia." I te mahana i muri a'e reva ihora raua.

I muri a'e i to ratou taeraa i te fenua Utaha, ua haere Birigama e te tahi mau taeae ia hiôpo'a i te vahi maitai no te fartiaraa i te oire Manati; ua tohu Hebera i te faatia-

raa
pae
vahi
atoa
rave
tiara

na m
iho â
teie
mai t

eiaha
pohe
24-25

e, ua
nei,
Atua

ia faa
mau

tamua
o te ô
ha oe
e poh

raa o te Hiero i nia iho i te aivi Manati. Ua feaa te hoê pae taata aore i papu ia ratou e faatiahia te oire i te reira vahi. Ua na o mai Hebera: “Noa’tu; e tupu ihoa, e teie atoa, e rave hia te ofai no tera mou’a no te faatiaraa, e e rave atoa hia te tahi pae o te ofai no tera mou’a no te faatiaraa o te Hiero i Roto Miti.” Ua tupu mau teie nei tohu.

I te hoê taima ua tuu oia i to’na rima i nia iho i to’na mafatu i te parau raa e; Ia ore te taata e ite e o Iesu iho â ia te Tamaiti a te Atua aita e tia ia’na ia tia i roto i teie Ekalesia. Ua na ô maira oia e; e faatia te Fatu ia tae mai te mau ino atoa i Siona ia haa-parau-tia i To’na ra feia.

(E Tuatihia teie nei parau.)

TE HEHEURAA

“A patu i nia i Ta’u păpă, oia hoi i Ta’u Evanelia, eiaha e huna i te Varua no te Heheuraa, e te Varua tohu, e pohe to’na o te huna i teie nei mau mea.” (Buka Fafau 11: 24-25)

Na roto i teienei parau, te hinaaro nei au ia haapapu e, ua vai te Heheuraa i mutaa ihora; te vai noa nei â i teie nei, e e vai noa’tu, mai te mea te vai nei te Ekalesia a te Atua i te ao nei.

“Aita a te Fatu ra o Iehova e peu i rave, maori râ ia faaite i Ta’na mau parau i mo’e i Ta’na mau tavini i te mau Peropheta.”

Ua heheu mai te Atua ia Adamu, te Patereareha matamua, na o maira: “E amu noa oe i to te mau raau atoa o te ô nei; Area i to te raau e ite ai te maitai e te ino’ eiaha oe e amu i te reira; ei te mahana e amu ai oe i te reira, e pohe ia oe.” (Genese 2: 16-17.)

Ua faaite mai te Atua ia Mose no te aratairaa’tu i te

Ati Iseraela mai te tîti raa. Ua faaue Oia ia Noa ,a hama-
ni i te hoê pahi. E ua na reira noa te Atua i te faaite raa
mai i ta'na mau Tavini Ta'na mau parau mo'e e tae roa mai
ia Iesu iho; aita hoê pato'iraa i reira ? I muri a'era râ i
te reira te mana'o nei te tahi pae taata e ua faaorehia.

A hi'o tatou i te tahi mau tohuraa i tohuhia e te mau
Peropheta tahito e to ratou tupuraa, na te reira e haapapu
mai ia tatou e, te vai nei te Heheuraa i teie anotau hopea
nei. "Eiaha roa outou e vare i te taata atoa; o te taiva
te tupu na na mua e tae ai taua mahana ra (Te mahana e
tae mai ai te Mesia), e e faaite hia mai hoi taua taata hara
ra, o te tamaiti a te pohe." Ua tupu mau teie tohuraa i ro-
to i te tau pouri, i muri a'e i te mau Apocetolo. Teie faa-
hou â te tahi. "Inaha, te na ô maira te Fatu ra o Iehova
te fatata maira te tau e hopoi atu ai au i te o'e i nia i te fe-
nua, e ere râ i te o'e maa ore, e te hiaai i te pape, i te faa-
roo râ i te parau a Iehova; e horo hoi te taata i te tahi miti
ti e te tahi miti; e mai te apatoeran e tae roa'tu i te hitia o
te râ i te hororaa e te ho'iraa mai, i te imiraa i te parau a
Iehova, e ore roa râ e itea." (Amosa 8: 11-12.) Ua tupu
atoa teie tohuraa i te tau pouri. Ua ore roa te parau a Ie-
hova e te mana faatere i te ao nei.

Mai te mea e, ua hopoi ê hia'tu te Evanelia e te Ma-
na, a imi ia tatou i te heheuraa no te faaho'raa mai i te rei-
ra. Na o maira Ioane i roto i te Apokalupo i te pene 14: 6
"Hi'o atura vau i te hoê melahi i te maueraa na ropu i te
reva nei: Ma te Evanelia e tia i te vairaa, ei porôraa'tu i
te feia e parahi i te ao nei ra, i te mau fenua atoa e te mau
opu atoa, e te mau reo atoa, e te mau nunaa atoa." I te
M. 1823 ua tupu mau te reira tohuraa; ua fâ mai te hoê me-
lani, ma te faaite mai e, o Moroni to'na io'a, e te vai ra te
hoê Buka tei huna hia e ana iho, e ua papaihia i roto te îraa
o te Evanelia.

ra i
teie
Hoê
lia,
na I
na I
(Eze

nelia
ite.
i te M
tou n
te Ta
ô atu
faaite
parau
păpă
uputa
patur
taua

patub
no te
Iesu i
" E e
i te a
" e i
Oia h
ia roa
Petero
de. (20) e

I te 22 no Setepa, M. 1837 ua horoa mai taua melahi ra i taua Buka tei huna hia e ana ra ia Iosepha Semita, e i teie nei te poro-haere-hia nei taua Evanelia i te ao atoa nei. Hoê â te Evanelia i roto i te reira Buka i tei roto i te Bibilia, no te mea na te Atua iho i faaue ia papai hia te hoê raau na Iuda e to'na hua'ai, oia hoi te Bibilia ia; e te hoê raau na Iosepha e to'na hua'ai, oia hoi te Buka a Moromona. (Ezekiela 37: 15-17.)

No reira, e homa, ua tia te heheuraa hia mai te Evanelia i teie anotan hopea, e ua tupu mau te mea ta Ioane i te. E vai noa anei te heheuraa ? Na ô atura Iesu i roto i te Mataio i te pene 16: 15 18: “ O vai râ Van nei i ta outou nei parauraa ? Ua parau maira Petero, o te Mesia oe, te Tamaiti a te Atua ora ra. Ua parau atura Iesu ia'na, na ô atura, E ao to oe, e Simona Bare-iona, e ere ta te taata i faaite mai ia oe i te reira' na ta'u Metua râ i te ao ra. E parau atoa'tu vau ia oe, O Petero oe, e ei nia iho i teie nei pāpā e patu ai au i tau Ekalesia, e e ore roa ia e noaa i te uputa o hade.” Mai te mea e, tei nia iho i te heheuraa te paturaa o te Ekalesia, eita ia te heheuraa e ore ia hope ra taua ekalesia i te ao nei.

Te haapii mai nei to tatou mau hoa Katolika e, ua patuhia te Ekalesia i nia iho ia Petero. Oia mau, te auraa no te parau Petero e ofai ia, area râ, eaha te tumu parau a Iesu i reira, o Petero anei ? Aita roa, ua na o mai Iesu: “ E ere ta te taata i faaite ia oe i te reira, na tau Metua râ i te ao ra.” Ua heheu mai te Atua i te reira ia Simona, “ e i nia iho i teie nei pāpā e patu ai Au i tau Ekalesia.” Oia hoi te heheuraa no te mea eita roa e tia i te heheuraa ia roaa i te nputa o hade. Ahiri râ i patuhia i nia iho ia Petero, e taata oia, e tia noa ia ia roaa oia i te uputa o hade. O Iesu iho te tihi rahi o Ta'na Ekalesia, (Ephesia 2: 20) eiaha te hoê noa iho taata o te ao nei.

Nó reira, e homa e, eita te Atua e faaore i te faaite mai i Ta'na mau parau i Ta'na mau tavini; ia vai noa te Mana o te Atua i te ao nei e vai atoa mai te Mana tohu e te heheuraa.

Papaihia e Hareve

TE UTU'A

“ I parahi na te hoê taata tao'a rahi, e ahu ura e te ahu maitai ta'na e ahu, e amuraa maa rahi nehenehe ta'na i te mau mahana atoa: e te hoê taata tao'a ore hoi o Lazaro to'na i'oa, i vaiihohia i to'na ra uputa, ua ati roa i te ma'i, ua ani atura i te hu'a rii maa i mairi no nia i te amuraa maa a taua taata tao'a ra: e ua haere maira te mau u'i ua miti-miti i te mau ma'i no'na ra. E pohe ihora taua taata tao'a ore ra, hopoihia'tura oia e te mau melahi i nia roa i te ouma o Aberahama: e pohe ihora hoi taua taata tao'a rahi ra, e tanuhia ihora; e ati atura oia i te mauui rahi i hade, ua nânâ a'era i tana mata i nia, ite atura ia Aberahama i te atea ê, e ia Lazaro i nia iho i to'na ouma; ua pii atura oia, na ô atura, E paino, e Aberahama e, e aroha mai oe ia'u, e tono mai oe ia Lazaro ia uhi oia i tana aururu rima i te pape ia faatoetoe i tau arero nei; ua ati roa vau i te mauui rahi iteie nei auahi ura. Ua parau maira Aberahama, E tau tamaiti, a haamana'o oe i to oraraa ra, e e ino hoi to Lazaro; i teie nei râ, ua faaihia oia i te oaoa, e ua ati oe i te mauui rahi.” (Luka 16: 19-25)

Teie ia ta raua utu'a tei fariihia no te ohipa tei rave hia i to raua parahiraa i teie nei ao.

Teie nei e homa e, e feruri rii tatou, Teihea ia ta ta-

tou utu'a ? E utu'a anei mai ta te taata tao'a rahi, e aore ra te utu'a mai ta Lazaro, oia hoi mai ta te taata tao'a ore?

Teie ia ta tatou pahonora. E oaoa tatou i ta tatou utu'a mai te au i te ohipa i ravehia e tatou nei. No reira, e homa, ua ite tatou te ravea e roaa'i te utu'a maitai. "E ite outou ia ratou i to ratou hoturaa." (Mataio: 7 16)

E teie nei, te faaite atu nei au ia outou na; hoê ana'e iho ravea e vai nei ia roaa ia tatou te utu'a maitai, oia ho'i te Basileia o te Atua, te parahiraa no te feia parau tia, e o te parahiraa o te Atua iho hoi, e te io'a o taua parahiraa ra te Basileia Tiretiela ia.

Teie ia te ravea:

"Te faaroo nei matou e, eiaha e eiâ, eiaha e haavare, eiaha hoi e taiata, ei aaui mârû ra, e te viivii ore, e te hamani-maitairaa'tu i te taata atoa. E ia na ô tatou i te faa-iteraa'tu, te pee nei matou i te a'oraa a Paulo, te faaroo nei matou, e te tia nei hoi i te mau mea atoa nei. E rave rahi te mau mea i faaoromaihia e matou, e te hinaaro nei hoi matou e, ia itoito matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mea poupouhia ra, e te mau mea roo maitatai ra, e feruri maite â ia matou i te reira." (Hiroa faaroo 13.) oia hoi ia faa'i tatou i te ture rahi no te aroha ta Iesu i horoa mai. Ua na ô mai o Paulo, "O te aroha tei faa'i i te mau ture atea." (I Korinetia 13.)

Mai te mea e, e feruri rii tatou, e ite ia tatou e e parau mau te reira no te mea e, aita e nehenehe ia ofati i te hoê e aore râ te hoê faaueraa mai te mea e, te vai nei te aroha i roto ia tatou mai te aroha a Iesu Mesia ra.

No reira e homa, eiaha tatou e paran haavare, e e papai i te parau haavare i te tahi taata, e i te tahi Ekalesia, mai ta te mau Sanito, e te mau Katolika i papai i nia iho i

te Ekalesia a Iesu Mesia i te mau mahana hopea nei. “Eiaha e faaino atu, e eita outou e faainohia mai; eiaha e faahapa’tu, e eita outou e faahapa hia mai: e faaore atu i te hara, e e faaorehia mai ta outou.” (Luka 6: 37.)

Ua ite tatou e, aita te parau haavare, e te ohipa faainoraa i roto i te ohipa a te Atua, e e noaa ia tatou te utu’a mai te au i te ohipa ta tatou e rave nei. E faaore atu tatou i te hara a te mau taata tei faaino mai, no te mea e, e roaa ta ratou utu’a: na te Atua e faahapa ia ratou, e e horoa Oia ia ratou te utu’a tia no ta ratou ohipa.

E tiaturi tatou i te Atua no te tauturu raa mau ia tatou, i te io’a o Iesu Mesia. Amene.

Papa’hia e Amona

Te Mau Parau Api

E UPOO PAARI MAU

I te 4 no Tiurai i mairi a’enei ua pupuhia te hoê taata, o Mathias Stieren to’na i’oa, e aita oia i ite e, ua puta to’na upoo i te ofai pupuhi. No te pinepine te mau iui i to’na upoo, ua haere oia e farerei i te hoê taote tei hi’o maitai ia’na, e ua tonohia oia i roto i ti hoê fare ma’i.

I reira ua itea hia, i te vahi i’o o to’na rei, hoê ofai pupuhi. I to’na iteraa i te reira, haamano atura oia e, ua û te hoê mea i nia ia’na i taua mahana ra te 4 no Tiurai, aita ra oia i ite e aha. Hoê hebeboma to’na ori haere noa raa ma te ofai pupuhi i roto i to’na tumu rei.

E MEA MAERE MAU

Ua iteahia a’enei te hoê mea maere mau, e taua mea ra e tumu mea ia. Te vahi maere teie ia, ua hotu mai oia e hitu tari maitatai. Te vai nei teie tumu mea maere i Pa-

ura,

bap
mai
mat

lesia
nia i
siden
oia r

ura, e te haere noa nei te taata e rave rahi e mataitai.



E hoho'a teie no te tahi mau taata tei baptizohia i Hamuta i te amu'iraa Eperela i mairi a'enei. Teie to ratou i'oa, o Roti a Tematai, Yvonne Bonnet e o Ni Sanford.

E FARE PUTUPUTURAA API

Ua opuahia ia faatia hoê fare putuputuraa na te Ekalesia i te mataeinaa ra i Mataiea; e faatia hia te reira fare i nia iho i te fenua o Pepe a Timi. No te revaraa o te Peresideni i Tubuai, ua vaiihohia taua ohipa ra, e ia ho'i mai oia ra e faatia hia taua fare ra.

TOMORAA FARE PURERAA

Teie te parau api no teie mau mahana nei. Ua reva to tatou Peresideni, o Tihoti Poropiti raua o Tahiri a Toriki i Tubuai, no te tomoraa o te fare pureraa api i reira.

Ua reva raua na nia i te pahi ra o Potii Raiatea tei faarue i Papeete nei i te 24 no Atete nei.

E VAI PUE RAHI MAU

No te rahi o te u'a i mairi i te ava'e i mairi a'enei, i te tahi tufaa o te fenua Tinito, ua haono te mau anavai e ua pau te mau oire i te pape. I te taime i tae ai te reira parau i te tahi mau vahi aita â i oti te taioraa o te mau taata i pohe no to ratou rahi.

E i teie nei mahana te vai nei e fatata e 250.000 taa-ta ma te fare ore. No te puai o te pape ua pau te mau purumu e te mau eã no te pereoo auahi, e no reira ua fifi roa te haponoraa'tu i te mää, te ahu e te raau no te tauturu ra-a'tu i teie mau taata tei roohia i te ati.

E MATAI PUAU MAU

I te tufaa fenua Nevada, Amerika, i te vahi e patu hia ra te aua pape ra o Hoover, ua tupu hoê vero rahi ri'a-ri'a. No te puai o te matai ua tae te one na roto i te mau oire rii na'ina'i, e ua tapoi roa hia te vetahi mau fare e ua pêpê atoa te taata e rave rahi. I taua mahana ra ua tâe te puai o te matai i nia i te 90 maile i te hora.

M. Bonnet M. Gèrant

Angle des rues Brea et Dumont d'Urville, Orovini, Papeete.

Epitet

no T
Conn
buare
deni
1847;
te 28

Ekale
i to'n
ra te
tupun
i to c